

竹垞小志卷四

學使者阮元手訂

元和蔣徵蔚編錄

嘉慶元年阮芸臺先生督學兩浙按試至嘉興  
觀曹秋厓竹垞圖因和檢討百字令詞元韻一  
時和者甚多兼以暴書亭爲題課士復謀修復  
暴書亭二年秋太守伊小尹先生修亭旣成芸  
臺先生又按試至嘉興士人作詩紀事落成者  
更多因葺始末爲二卷

先生索次岳畫竹垞圖調寄百字令詞杜陵老矣其  
丹青曹霸白頭漂泊花柳春殘都未見底事燕南棲  
竹垞小志

卷四

一

七錄書閣

託略約長堤嘔啞柔櫓只憶江鄉樂吾廬何處斜陽  
芳草邨落 況有蔗芋閒田竹梧舊徑客至堪杯酌  
試畫三楹茅屋矮隨意圖書簾幙硤石東西橫山近  
遠密樹遮雲壑明年歸去小樓添向牆角

按先生自記云康熙甲寅春客通潞填百字令索  
秋厓補圖二十一年矣秋厓久逝小樓牆角至今  
未添而予衰愈甚展對此圖不勝遲暮之慨因付  
裝池并書前闕以要和者歲在甲戌五月竹垞老  
人

李良年和潞亭旅思愛小園入畫子山之宅二十一

番春事改追話軟紅游歷史局誰長酒僊臣是晚遂  
歸田策白頭題句這回真箇頭白 記否洗研蓮南  
擘牋梅底更譜琴梧隙問舊驚心雲散後剩我比隣  
雙屐就竹尋君展圖看竹疎翠霑衣幘茗香銷夏不  
須怊悵陳跡

高士奇和苑西舊事記同君閒話故溪幽適退食披  
圖華院底指點竹南梧北放鴨闌低釣魚磯小野趣  
渾非一如今歸矣正堪盤礴泉石 況我枳岸葭牆  
稻畦蔬圃所住連陂澤但棹圈蓬黃篋艇來往春秋  
佳日懶出柴門病依藥竈路似桃源隔相邀題句只

竹垞小志

卷四

二 七錄書閣

愁難比裴迪

徐鉉和春明夢斷小長蘆重整數閒茅屋晴日疎窗  
煙縷散淺露一叢寒玉撲鹿沙鷗惺忪岸柳暗水當  
門綠暴書亭子共誰銷夏同暴 恰喜短棹頻過深  
杯恣把不遠江鄉曲細按蕢洲漁笛譜醉擘蠻箋十  
幅袞袞諸公萬人海裏只是相爭逐輸君高臥垞南  
垞北皆竹

尤侗和竹垞何在在長蘆邨曲碧雲深處中有幽人  
歌獨宿常與此君同住茅舍三間蓬舟一葉五柳門  
前樹著書滿架小園庾信堪賦 猶記燕市追遊瀛

臺傑直春夢今非故回首長安天際遠不覺青山日  
暮畱此丹青剩予白髮撫景聊容與他年相訪小樓  
重話煙雨

顧湄和蕭疎斑鬢倩誰人畫箇竹垞詩老嫩綠檀欒  
添舊翠渲染一溪花草稽古當年賜閒今日却羨歸  
田蚤栖遲林下風光到處長好從此獨坐攤書呼  
朋命酌不問蓬萊島回首清華丹禁地無事更縈懷  
抱鶴浦東來鴛湖南去粉本憑幽討扁舟載酒與君  
嘗其傾倒

竹垞小志

卷四

三 七錄書閣

遊已倦爭似梅花溪好嫩竹干竿方池半畝綠遍王  
孫草清陰如舊軟紅麾去多少分付徑剪蓬蒿牆  
芟薜荔放與銀蟾照況有圖書三萬軸蝨字乾魚齊  
埽雙調彈箏幾回顧曲酒榼宜頻倒小梯橫閣六峰  
點點林杪

葉舒頴和圍牆竹樹似依然畱剩平泉花石人在天  
光雲影裏占住高樓百尺叉手吟成等身書擁嘯傲  
烟波夕閒時載酒江湖曾作浮客 回憶燭剪寒宵  
菜根題扁邂逅文章伯

自注乙卯冬晤先生于白田官舍

別後荔支

恩與帶又蚤歸來岸幘曲水拖藍遙山疊翠渺渺神

僊宅可容舴艋長蘆深處尋覓

郭徵和禁花看後覺軟紅十丈浣衣如墨放棹江關  
烟月渺歸向梅花溪側竹簟邀涼茅檐趁暴故事真  
堪憶文章歐九後身應是朱十 況此籀粉侵堤萍  
香撲慢舊屬芙蓉國最好荷衣縫露葉紫綬青綯收  
拾小閣茶烟長蘆醞舫儘有忘機客酒盃纔放草堂  
書散千帙

葉舒璐和朝衫卸了十年來夢破浮名芻狗點點軟  
紅飛不到那用山童縛帚翠幄陰濃碧波涼瀉人在  
羲皇右湘簾高捲遠峰青送吟袖 堪歎綠野平泉

竹垞小志

卷四

四 七錄書閣

幾多池館轉眼成烏有贏得圖將粉本在畱與人間  
爭購似恁風流長蘆片石應比名山壽吾廬無恙此  
君要是佳友

繆泳和梅花邨市愛南隣佳處初經卜築舊徑蓬蒿  
纔剪罷添得短垣修竹近渚菰蒲傍門槐柳交映清  
溪曲暴書亭子更饒荷芰芳馥 況有檻外諸山望  
中煙靄指點遙峰六把酒高吟無一事但貯牙籤萬  
軸畫手爭傳輞川名勝展玩開心目今朝重別居然  
身在巖谷

沈岸登和主人歸也儘客來看竹短蓬長泊雪色書

齋堪吐壁老去閒情慵託塞柳騎驢江蘆聽雁轉覺  
垞中樂青錢馮買移些邨叟鄉落 竹外三兩枝頭  
桃花也放更好時吟酌春雨江南容易見消領年來  
簾幙二畝新秧六峰晚翠便是真邱壑小樓添否斜  
陽先在籬角

案原卷和者十人竝不次韻芸臺先生從朱氏家  
藏投贈竹垞詩詞墨蹟卷中得沈南渟次韻一首  
因次韻首唱一時和者甚盛繼錄於左

阮元次韻先生歸矣記江南春雨扁舟初泊自種垞  
南千个竹老讓嬾雲閒託繭線牽魚弓枝射鴨足伴  
竹垞小志

卷四

五 七錄書閣

填詞樂畫圖長在肯教踪跡零落 今日水淺荷荒  
巖低桂蠹殘址難斟酌何處牆邊樓影小曾展秋窗  
風幙儒老乾坤書懸日月莫漫悲亭壑重摹橫卷遠  
山還染三角

案芸臺先生自記云嘉慶元年秋試畢嘉興得觀  
曹秋厓竹垞圖屬周君采巖摹寫一幀竝錄竹垞  
老人詞跋及同時諸和作卽用百字令原韻題後  
以要和者十二月十二日書於小琅環仙館

王昶和南湖放櫂正春殘兩岸楊花漂泊一卷生綃  
重畫取彷彿前賢棲託茆屋彎環蓮漪澹沱負此幽

居樂潞河羈旅潮生還看潮落 料是投老歸來書

亭醞舫昔雨同絃酌記向竹西頻話舊悽絕苔荒井

幙耆碩凋零雲祓衰謝重見開邱壑 丁丑戊寅間余與稼翁先生同

寓邗溝又與伯承同年同官陝右時語及南北垞蕪廢悵惘久之今稼翁早歸道山伯承下世亦十餘年而芸臺學使將修復之是可喜也 他時過訪鼓筠應滿籬角

案述庵夫子二年三月駕湖舟中題此

錢楷和五湖三畝歎斯人仙去落荒蓬泊一片研經

心事在 研經室學使齋名 剩向畫圖尋託流水門前綠楊牆

外買斷垞中樂竹猶無恙幾番青復吹落 擬向梅

里停橈小樓添處整頓還商酌 學使有重修且覓丹暴書亭意

竹垞小志 卷四 六 七錄書閣

青傳粉本依樣圖書簾幙舊句重翻新詞競唱別又

成邱壑攜歸日下填詞聲價爭角

案裴山農部尙有購竹垞圖次元韻詞一首附錄

於此竹垞殘徑記幽尋梅會門前曾泊賸有暴書

亭子在野鳥閒鷗棲託投老江湖著書歲月苦憶

當年樂畫圖詩卷不知誰氏流落 何意百歲雲

煙儻來眼底驚喜開春酌星使涼秋殷訪舊披借

船窗油幕前輩文章翰林風月天為藏舟壑篔簹

活翠夕陽人影樓角

朱文藻和桺邊竹外後百年星使畫船重泊亭北垞

南遺址在韻事丹青堪託萬卷藏書雙周甲子藝苑

談資樂舊圖作於康熙甲寅今此圖作於嘉慶丙辰相距百二十年矣烟雲新染

免教名蹟流落 憶昔景仰宗風手編年譜系述勞

斟酌文藻會編竹垞年譜一卷繡水橫塘曾盪槳何處春風柔幙

龍藏詩窮鬢鬢改歲序蛇奔壑江鄉歸老敞廬同

此牆角

張若采和一帆烟水記晴洲鶴步檣頭孤泊吟盡權

歌鴛漲膩脈脈素心微託影竹簾虛觴荷沼淺會展

歸田樂瀛仙仙去春風何處籬落 何幸烟墨千秋

烏絲百字早費閒斟酌百廿三年鴻雪影人在潞河

竹垞小志

卷四

七 七錄書閣

蓮幙醞舫雲稠畫樓風小佳士圖煙壑先生歸也尋

詩吟遍亭角

又和長蘆秋老有乘楂仙使荒灣初泊根觸研經心

一片多少古懷難託看竹敲筇披圖岸幘更印林泉

樂磬消樵取翠雲千片飛落 還憶歷下移碑鄭鄉

表墓到處羞清酌試展畫圖仙館似學使有小琅環仙館圖清

影斜霏簾幙亭廢重修書殘更暴對畫成林壑圍牆

栽竹遊人遙識亭角

吳錫麒和二分竹外記江湖載酒歸來曾泊老盡篔

簞人不見往蹟畫圖重託菱葉波長藕絲鄉閣讓與

閒鷗樂寥寥琴趣翠聲天半吹落 誰復黃雀風中  
鬪雞缸滿相對斜陽酌秋水藉袈橋口路遮護幾層  
雲幙危石能扶虛亭更葺高致傳巖壑明年筍候一  
尖還迸紅角

陸繼輅和篔簹千个記曾經鸞鳳小停飄泊垞北垞  
南行處好一片閒雲棲託石友聯吟桐孫扶杖老子  
婆娑樂生綃重仿展時空翠飛落 因念白石梅荒  
清真柳折何許攜盃酌卿月輝光纔照處依舊風簾  
雲幙曠世憐才新詞同調佳語傳邱壑吟魂歸也秋  
蟾遙上亭角

竹垞小志

卷四

八 七錄書閣

蔣徵蔚和披圖如舊想當年有客燕南飄泊風打荒  
楹磨萬瓦苦憶蝸廬曾託門鴨灘深澄塘荷老喜說  
漁家樂買田長水千竿交護籬落 閒時把卷沈吟  
經殘史蠹寂寞堪商酌百尺樓空斜照滿亂葉周遮  
晴幕日下聞傳潞河人去此是終邱壑試摹粉本孤  
亭重峙山角

案以上八人詞皆書卷中錢梅溪泐以分書題其  
卷首餘未及書卷中者編錄於後將俟續書焉

馮應榴和鄉賢渺矣記臨江遺宅小舟曾泊潛采堂  
傾軀舫毀舊燕新巢何託星漢長懸圖書都散孰繼



翁之樂故家如此那能無感搖落 剩有瘦竹千竿  
生綃一卷仿本相參酌惆悵王孫芳草遠琴劍飄依  
蓮幙綠髻將殘青雲難盼但恐填溝壑諸君高義亟  
成休遇張角

張興鏞和圖中彈指記先生猶在潞河棲泊燕子春  
來消息斷有竹千竿誰託坨北坨南花開花謝穩臥  
江邨樂鄉心挑逗呼朋聊醉桑落 誰料百廿年餘  
風流未沫公案重叅酌大雅扶輪今視昔容我來投  
蓮幕博物名齊填詞筆妙先後摹邱壑暴書何處斜  
陽還射亭角

竹坨小志

卷四

九 七錄書閣

鄭勳和吾廬吾愛憶江鄉如夢潞河漂泊坨北坨南  
尋舊徑只有此君堪託綠映詩筒香圍茶竈想象歸  
來樂畫師解事更添幾許籬落 久矣金谷園亭平

泉花木寂寞誰斟酌萬卷重披千个裏又見清風入

幙

時芸臺夫子  
重建暴書亭

一樣神仙兩番結構韻事傳巖壑有

人搗管三更靜聽霜角

夫子手訂小  
志命勳編錄

案芸臺先生題鄭書常孝廉舊藏竹坨檢討贈其  
高大父寒邨太守詩墨蹟并手書二老堂額囑祀  
竹坨寒邨兩先生孝廉復次韻以謝附錄於此小  
長蘆畔問遺書無恙未經停泊七字風流傳二老

疇昔交情遙託淨碧雙鉤硬黃初搨摩撫差堪樂  
江湖輝映故家休歎淪落 況是第一人來徵文

考獻遺蹟頻商酌分付草堂開綠野彷彿當年經

幕翰苑追踪 先生康熙己未授檢討先  
公戊辰入庶常屬前後輩 虎林握手

先生贈詩題  
係武林重逢 警歎畱巖壑展圖他日焚香如對巾

角 擬繪二老  
重逢圖

余鵬年和南垞何處認烟堤如織短橈曾泊恰到門

前流水住古木寒鴉棲託略有篔簹無人作主寄傲

誰耽樂柴關深鎖一圍圖裏籬落 却歎四十頭顱

才名付與潦倒拚杯酌粉本龍邱歸思引猶自庾郎

竹垞小志 卷四 十 七錄書閣

蓮幕遣此奚能抽身已是去日蛇趨壑小樓空說更

誰添向牆角

又和醉筇唵袂算前番今又圖中評泊一徑秋尋人

去後可奈秋心難託贅砌苔新池圍篠媚漫赴禽魚

樂寒英看待未教霜冷摧落 話到白髮逍遙琴尊

展席經史供炊酌捲地西風吹客散葉打空亭裊幙

小隊行厨風流悵望尙戀閒林壑棲鴉催暝夕陽低

度闌角

案伯扶先生自記云丁巳秋九月陪遊暴書亭又

填仍用前調竝韻

何琪和潞河旅舍憶江鄉別墅舊時棲泊手種琅玕  
無恙否日報平安曾託玉陛垂魚銅街走馬爭似閒  
居樂拂衣歸去朋歡未必寥落 有客載筆風流懷  
賢情抱恨不同芳酌敗砌頽垣秋草滿空想書堂帷  
幙指點圖間低徊句裏重爲摹林壑伊人何處尋詩  
仍在亭角

江振鷗和瀛洲仙客怕風流前輩輞圖飄泊搆得生  
綃剛十尺復寫騷壇幽託擗管編年抽簪寄傲極擬  
先生樂垞南垞北翠溪清篠墟落 從此橋李賡歌

重翻繪事早又頻敲酌海內宗工傳姓字玉軸香生  
竹垞小志 卷四 七錄書閣  
蓮幕檢討遺踪春司近譜豈在閒林壑冰絃再鼓月  
明清夜霜角

曹鈞和一亭寒綠小長蘆深處釣師曾泊天上寶書  
森萬卷除却琅玕何託洗硯荷灘牽漁柳嶼底羨金  
門樂丹青題罷廿年霜鬢零落 還憶倦圃聯吟筠  
廊籜徑經史相研酌魏尚雲中畱守日淥水芙蓉客  
幕百歲風烟三竿門巷陳跡悲林壑敞廬猶是金陀  
坊冷城角

錢棫和畫中人在信斯人千古底嫌漂泊萬軸牙籤  
三畝竹邨却朝衫閒託磨劍平生 十年磨劍先生著  
自題詞集句

書歲月歸也江南樂夢回青瑣聲聲漁笛吹落 最

憶香剝看山邏邨剪燭

先生集中有同先五世祖野鶴先生遊爛柯山及集家商

隱先生齋中諸作

琴酒催絃酌文采百年呼欲出畫裏披來

風幕大雅扶輪小山承蓋訪舊尋雲壑新詞唱去調

笙喚取菱角

錢模和江邨臥穩正潞河歸去扁舟停泊一徑疎烟

團野色竹里桐門閒託剪燭敲詩銜杯說劍老愛田

園樂看抽新筍烟梢風裏垂落

還記醜舫花紅書

亭月白畱客開春酌眼底溪山真意好嵐翠都浮窗

幕萬卷詩書千秋事業天與閒邱壑先生錦里半升

竹垞小志

卷四

三

七錄書閣

酒漉烏角

李澧和白頭解組儘消閒醜舫小長蘆泊十載東華

成往跡倦向軟紅塵託墨灑羊羣經談馬帳老去貧

而樂文章千古布衣終不淪落

當日垞北池南掃

花三徑畱客團春酌潘耒查容今已矣夢想芸窗垂

幙竹以人傳亭因書著逸事歸林壑畫圖繪後吟魂

應在樓角

李穀和抽簪歸去笑瀛洲一夢偶然棲泊滿徑筠竿

青不了惟有此君堪託七品頭銜百弓花圃坐擁圖

書樂茶烟幾縷松風何處吹落

回憶尺幅生綃高

踪已邈想像停樽酌安得小長蘆畔景伴我雨檐風  
幙賴有知音重來訪舊潑墨新林壑坨南坨北峰峰  
爭繞亭角

李日華和朝衫卸了向小長蘆畔片帆畱泊一逕蕭  
疎烟靄裏只合幽人棲托南北坨分東西竹繞儘有  
歸田樂遠峰點點隔林空翠飛落還想袞屐當年  
朋箋刻燭婪尾杯同酌怱悵風流今已矣閒却月牕  
花幙矮屋三楹遺書萬卷名自尊岩壑生綃重染綠  
雲侵入簾角

李超孫和竹平安否笑鄉園夢到潞河畱泊時竹坨先生客

竹坨小志

卷四

三

七錄書閣

潞河龔僉事幕屬曹秋崖寫竹坨圖料得歸來成晚計便好坨南幽託

雙屐招尋

先徵士秋錦公與竹坨先生稱石交曾調百字令題竹坨圖卷有剩我比隣雙屐句

九經著錄儘有名山樂曩書人靜亭前斜日初落

還記柳苑攜香槐街退沐文史從參酌大雅於今同

調在獨坐擘經垂幕

芸臺先生有擘經室

狂喜披圖重煩潑墨

瀟灑皴林壑小樓添箇六峰青鑱簷角

李富孫和江湖落拓向潞河亭畔暫焉棲泊遙憶吾

廬無恙在却好倦游歸託移種千竿拓成一畝多少

行窩樂東西南北白頭終歎瓠落誰料大布衣徵

畝春園集信史同商酌卸却朝衫尋舊逕仍喜平安

遮幙蘭試同心蓮開竝蒂真是藏書壑畫圖重展翠  
筠長護檐角

又和翰林老去謝滿鞞塵土板橋西泊寒玉幾叢成  
小住萬卷名山堪託獨究遺經笈羅舊史那羨京華

樂亭書暴後垂垂桐子飄落 最憶一水詩廬兩家

吟屐來往相炊酌 先徵士秋錦公與周沈俞徐拚醉

慣倚徧風簾雲幙大雅誰扶斯文猶在述作歸邱壑

千秋佳話六峰重繪樓角 芸臺先生屬盛君重摹竹垞圖卷竹垞先生於垞西

高阜擬作六峰閣未果

李遇孫和臣今老矣願白雲深處澹焉明泊一片檀

竹垞小志 卷四 七錄書閣

欒環曲徑八萬圖書堪託看竹吟詩尋垞欵友共論

為農樂 為農今日良是先徵士秋錦比隣雙屐剩我

公題先生烟雨歸耕圖詞句 雙屐徵士公題 墨花時見紛落 當日情寄風懷詞

竹垞圖詞句 傳琴趣聞說曾斟酌解組談經疑義晰五鳳翻飛牕

幙擬以張蒼比之伏勝餘子真谿壑書成不朽光芒

猶射氏角

尤桐和金風亭長脫朝衫歸去灑然虛泊一片江南

蒼雪遠天與詞人棲託琴譜三千牙籤八萬誰似林

間樂菱池槐泝幾曾蠅點輕落 試憶醞觴燈紅桐

階月白錯履綿春酌前輩風流吟讌地依舊香生霞

幙堂宿盧鴻川滌摩詰此是真邱壑千秋騷雅繫人  
三尺藤角

丁子復和畫圖春老正垞南垞北落花紛泊酒伴詩  
朋來往便跂腳匡床聊託繡鴨灘前香茅屋畔到處  
行窩樂雨蕉風柳濃陰遮斷籬落 況有萬卷遺經  
一編詩史老去還斟酌手把朱黃頻點勘坐近蠻氊  
油幕竹擁千竿峰浮六點天與閒邱壑伊人何在茶  
烟青過亭角

又和苴鞵布襪向瀛洲蓬島翻然栖泊投老惟存千  
个竹便把著書身託笑倚桐孫閒扶筇杖儘有閒居  
竹垞小志

卷四

五 七錄書閣

樂呼童暴蠹風亭殘帙飄落 今日望重儒林名高  
文苑題詠煩斟酌橫卷摹來從位置依舊圖書簾幙

芸臺學使裴山農曹皆  
臨摹是圖次韻題之

為趁輜軒言尋醜舫佳話傳

林壑

學使訪問竹  
垞遺事甚悉

紅牙續和倚聲誰似青角

同時和  
者得十

餘闕

蔣起和羊城雁塞溯先生遊歷絮飄蓬泊頻歲江鄉  
歸未得身向畫圖棲託異日金閨聯班玉筍總憶田  
間樂新詞題罷雲璈天半吹落 一自解組懸車百  
城坐擁著述兼商酌雨裏芭蕉風外柳掩映垞中簾  
幙大雅誰扶代興人出感舊尋邱壑丹青無恙筠竿

高拂樓角

戴熾昌和梅谿舊史賦遂初歸後釣船長泊何處香  
茅團小築有竹千竿欣託活火烹泉風亭掃葉儘受  
消閒樂吳淞翦取墨痕勻染籬落 爲問滴露研硃  
經經緯史千古誰商酌十載春明成一夢何似低垂  
書幕無數瀛洲同時仙侶那得衡巖壑畫圖重染高  
風如對巾角

王啟曾和釣魚師去認小長蘆畔釣船曾泊三徑重  
開俞繆在只是江鄉堪託茅屋無多藥闌不改足了  
平生樂黃埃瘦馬燕南空嘆寥落 試問解組歸來

竹垞小志

卷四

去 七錄書閣

灌園自給有酒還當酌垞北垞南春又晚片片飛花  
穿幙賣賦生涯著書結習分付閒邱壑影來竹外遠  
山晴繞籬角

錢昌齡和一灣新漲認書亭遺址短篷曾泊烟水蒼  
茫人不見欲寫素心何託篁影侵簾籤聲滿室遙憶  
當年樂丹青不老錦囊誰惜零落 藉有黃閣神仙

手提玉尺今古能斟酌椽燭修書還讀畫美矣風流  
臺幕短卷重摹清詞繼唱欲與新林壑草堂結處松

陰應蔽牆角

春日南垞詩不知黛色成  
陰日此地何人結草堂

沈寧祚和何年買斷先生題南垞壁詩別金門舊侶



鷗邊樓泊除却歸耕無箇事八萬卷中身託芳草多情好山如畫最是吾廬樂著書老矣春長莫放花落  
贏得竹間平安農量晴雨用池上編相對應浮酌

籬詩意

相對應浮酌

白屋幾間堪笑傲不用紅茵雲幙牆外樓賒圖中人  
去展卷思亭壑名流題處清歌齊協清角

盛如柏和揚舲萬里憶粼粼長水歸來恬泊少賤山  
中曾足繭拋却鄉園誰託邀取湘烟灌教春雨那識  
先生樂平安通訊不隨寒燠開落 遙想拓箇林扃  
猗猗池上幽處經參酌投老閒裁新樂府行裏金臺  
花幙籜粉消香荷衣失翠猶是尋潭壑再摹繪素欲  
竹垞小志 卷四 七 七錄書閣  
看攤卷檐角

沈濂和梅花溪畔愛灘連繡鴨釣船閒泊老矣抽簪  
歸臥穩有竹千竿從託倦覓筠床閒攜蠟屐共羨幽  
居樂垞南垞北春光占斷籬落 最是荷雨催涼茶  
煙弄暝池上堪清酌八萬卷書皆著錄深護芸牕簾  
幙三徑非蕪六峰環翠別自成邱壑凭闌吟望夕陽  
踈逗林角

錢繩祖和萬人海裏便拂衣歸去蕭然高泊雁塞羊  
城遊歷徧老愛江鄉閒託短艇鱖魚長鑿擻筍不讓  
漁樵樂秫收半頃糟床濃滴桑落 最是剪韭宵深

看花晝永留客聯琴酌一榻著書人坐處亭外遠山  
如幙徑任荒蕪名還不朽重與圖林壑年年春雨竹  
根青放園角

徐熊飛和金風亭長昔藏書萬卷布帆歸泊一片蓬  
蒿秋色冷竹素祇今誰託葛帔西華柴門南圃無復  
禽聲樂畫圖風景野花猶繞籬落 莫問槐泝琴牀  
菱池釣艇醜舫梨花酌眼見孤亭重結構面面風牕  
雲幕學士星軺郎官驄馬乘興尋林壑坨南坨北翠  
筠深護簷角

仇國垣和鴛鴦湖畔記曾經到此扁舟停泊試問竹  
竹坨小志

卷四

七錄書閣

坨何處是惟有閒雲棲託半世山林一朝簪組空自  
關憂樂于今重過樓臺遙映墟落 猶憶白首歸來  
丹青曹霸畫意同參酌暢好規模都似舊何論風簾  
雲幕三影新詞八句麗句用先生詞句徧滿題巖壑先生  
知否月明斜掛亭角

袁鈞和坨南坨北是先生老去結廬棲泊留得白頭  
曹霸在畫意詩情曾託淺渚撈蝦橫塘蘄鱉消受歸  
田樂而今剩有素箋猶未淪落 正好學士才華鴛  
湖小住細意頻商酌魂魄百年應戀此想像燈龕書  
幙矮屋三楹疎篁千个重理閒邱壑巡檐一笑梅花

開滿籬角

汪嘉穀和江湖載酒問春明夢斷幾年漂泊娛老橋  
邊歸計穩隨分琴尊堪託垞北垞南竹山竹屋天與  
歸耕樂荒亭煙雨燕泥梁上頻落 賴是綠鬢使君  
昇平盛事此地尋苔酌牆缺悄悄吹竹粉依舊翠交  
書幙金粟前身瀛洲佳話先後開雲壑畫圖重認擷  
頭須繫籬角

陳鱣和垞南垞北問潞河遊子何年歸泊極目江鄉  
風景好妙手傳神空託青史成編白頭解組才了田  
園樂星移物換畫圖幾轉流落 設也抱向空山不

竹垞小志

卷四

七 七錄書閣

逢賞鑒舊迹憑誰酌剪取生綃摹粉本依樣雲山遮  
幙酒盞詩筒筆牀茶竈位置宜幽壑循環展玩填詞  
聊附藤角

陳箕和荷花池上是金風亭長移家停泊有竹千竿  
書萬卷結箇團瓢欣託經義編成詩詞綜就得遂餘  
年樂斯人往矣披圖太息搖落 賴是七錄名家衡  
文浙水感舊頻商酌市石量材彈指事取次鋪筵張  
幙精舍重開畫中省識光竝生巖壑一時佳話題名  
看徧檐角

朱休穀和紫茄白苧歎當年天籟圖書飄泊豈料長

蘆經史席亭館也愁無託剩有丹青海陵妙手空繪  
谿山樂垞邊池畔誰尋芳槿籬落 何幸南省宗工  
黃堂名守佳事頻商酌吟院花欄多約略重設著書  
簾幙曠世相知披圖親訪旌旆來邱壑茶烟舊句新  
詞好與犄角

朱休達和芳塘非舊任西風瑟瑟殘荷飄泊昔日琳  
瑯千百卷經義詩文何託槐市仍黃桐坡猶碧寫出  
園林樂書亭人杳空繪溪前花落 却憶潘李同盟  
沈朱結社攜酒頻邀酌幾見春鶯秋雁度剩得寒烟  
如幕綺疏教裝芸窗重整膏澤沾幽壑絳驪停處夕  
竹垞小志 卷四 七錄書閣  
陽方掛檐角

案以上凡三十三人

謝啟昆題竹垞圖詩指點長蘆舊釣溪鴨欄醜舫結  
幽棲南垞有竹教兒護玉版籬根膈膊雞用先生春日南垞雜

詩語春明歸夢隔紅塵和徧清辭一闕新畱得俸錢

山可買百年喬木舊詞臣 秋厓絕技寫鴛湖題字

猶存退谷無先生曾屬孫退谷題竹垞二字牆角未添亭子圯何人

重補暴書圖阮芸臺學使邀同人將葺暴書亭 我有蘇潭屋數間

篔簹萬个碧潺湲丹青敢擬先生樣臥看章門一角

山余家豫章築室曰蘇潭有圖并詩紀事

秦瀛題竹垞圖詩金風亭子小長蘆前輩書堂剩畫  
圖千箇簷簷數間屋瀟湘煙雨碧模糊 百字清詞  
唱曉風後來詞客句還工農曹祇笑貧如許不向南  
垞買半弓 杜陵老去夢歸遲曹霸丹青頗擅奇淮  
海阮公真好事披圖重與寫煙枝 南湖煙月淡郊  
坰使者年年白舫經一角斜陽如畫裏西風吹老暴  
書亭

馮集梧題竹垞圖詩尋思舊事廿年餘竹裏幽蹊有  
敞廬牆角小樓添未得蕭蕭白髮自攤書 小園賦  
就庾蘭成莫訝先生太瘦生萬个琅玕風過處一時

竹垞小志

卷四

三

七錄書閣

齊作鳳凰鳴 凌晨橐筆入承明回首江湖百感生  
老子婆娑無不可早時煙雨寫歸耕 披圖恍對舊  
儀刑識密須教眼倍青野水蒼茫柔櫓外人間又見  
暴書亭

案蘇潭方伯小峴觀察鷺廷內翰三詩皆題曹秋  
厓所作舊圖

阮元暴書亭詩久與垞南訂舊銘江湖踪跡髮星星  
六旬歸築三間屋萬卷修成一部經繡鴨灘頭秋芋  
熟落帆步外古槐青笛漁早死雙孫老誰暴遺書向  
此亭

案彙書亭在荷花池南南垞之北詳見第一卷中  
戴光曾詩小長蘆畔好江鄉太史歸來築草堂四布  
衣名重潘李十州郡社壓吳姜垞分南北空秋雨水  
繞東西自夕陽過客不堪重問訊遺書零落一亭荒  
吳師澄詩舊史梅溪宅書亭展畫圖倦遊耽著述投  
老足清娛射鴨人何在鈔書迹已無荷花池畔路猶  
說小長蘆

沈汝鳳詩老屋摧殘事有無垞邊曾記小長蘆歸來

彭澤餘三徑載去鷗夷尙五湖

語見趙秋谷贈竹垞詩

鬪鴨闌

荒閑種芋落槐巖冷更凋梧遺書問有何人纍回首

竹垞小志

卷四

三

七錄書閣

空亭月影孤

沈德毓詩檢討歸來槐市斜園亭竹翠影交加權迴  
秀水臨長水徑轉南垞認北垞樂志擬同仲長宅談  
經堪竝鄭公家破餘萬卷名千古濯錦江邊說浣花  
馮振輝詩虛亭一笠已蕭然當日攤書彙最便梅里  
世尊經義席竹垞歸載潞河船寒儒著錄更難富後  
學聲華誰繼前自有草堂傳杜叟爲瞻

賜榜尙高懸

徐齡度詩梅會猶傳舊里居幾叢寒玉小亭虛及基  
宅近看浮黛顧况臺遙對讀書權返鴛鴦餘水調垞

通南北有蓬廬菱池槐汧依然在欲補新圖恐未如  
吳瀛詩茶烟閣畔賦閒居畱得空亭好彙書收在潞  
河歸舫後吟成鴛水榭歌初江帆影落談經席笛譜  
詩傳學釣漁三叟舊游何處問試來池上看紅葉  
丁子復詩先生著錄八萬卷六十歸來剩一亭大布  
衣徵修信史小長蘆僻考遺經菱池秋冷風前樹蘭  
砌春荒雨後庭坨北坨南娛老處讀書還照舊燈青  
案以上八人詩見芸臺先生所刊浙江詩課弟五  
卷中時在元年秋七月也